



Resolución de 14 de marzo de 2005, do Xurado Provincial de Montes Veciñais en Man Común da Coruña pola que se resolve o expediente nº 381 que afecta ó monte *Beiro*, do lugar de Beiro, parroquia de Argalo, concello de Noia

"Reunido o 14 de marzo de 2005 o Xurado Provincial de Montes Veciñais en Man Común da Coruña, baixo a presidencia do xefe do Servicio de Montes e I.F., Don Ramón Martín López-Suevos, por ausencia da delegada provincial na Coruña da Consellería de Medio Ambiente, Dona Ana M^a Díaz López, coa asistencia dos vocais, Don Alfonso Vázquez-Castro Garma, letrado do Gabinete Xurídico Territorial da Xunta de Galicia, Don Juan Ramón Beneyto Bellas, representante do Colexio de Avogados da Coruña, Don José Manuel Caramés Franco, representante das comunidades veciñais de Montes en Man Común, e da secretaria en funcións Dona M^a Jesús Budiño Rodríguez, xefa do Servicio Xurídico da Delegación de Medio Ambiente na Coruña, para estudar e resolve-lo

Expediente: 381
 Monte: *Beiro*
 Comunidade: Beiro
 Parroquia: Argalo
 Concello: Noia

ANTECEDENTES DE FEITO:

1º. Don Ricardo Rey Castro, veciño do lugar de Beiro, parroquia de Argalo, concello de Noia, solicitou deste Xurado, con data 30.07.2002, a declaración como veciñal do expresado lugar, do monte arriba citado. Este monte denominado *Beiro* ten as seguintes características segundo o Informe e Plano a escala 1:5.000, no que veñen reflectidas as súas estremas e a súa superficie, do Servizo de Montes de data 08.03.05:

Superficie: 18,17 Ha.

Lindeiros: Cadra totalmente coas tres parcelas que aínda eran o monte *San Lois e Armada*, nº 190 do C.U.P.

Parcela Ia:

NORTE: Limita coa liña que vai do chanto 114 do deslindamento do orixinal monte San Lois e Armada á Pedra Lada (que ten como coordenadas UTM europeum datum 1950: x=507.464.02, y=4.7336.134,56), e desta ao chanto 27 do devandito deslindamento. LESTE:



Propiedades particulares de veciños de Beiro dende o chanto 27 ao 29, seguindo a orde consecutiva de cantos. SUR: Propiedades particulares de veciños de Beiro dende o chanto 29 ao 40, seguindo a orde consecutiva de cantos. OESTE: Do chanto 40 en dirección ao 41 ata a intersección coa dita liña que ía do chanto 114 á Pedra Lada.

Parcela Ib:

NORTE: Limita coa dita liña que vai do chanto 114 cara a Pedra Lada ata o chanto 43, e do chanto 43 ao 60, seguindo a orde consecutiva de cantos. LESTE: Dende o chanto 60 ao 63, seguindo a orde de cantos. SUR: Dende o chanto 63 ao 82, seguindo a orde consecutiva de cantos. OESTE: Dende o chanto 82 ao 112, e do chanto 112 ao 114, seguindo só estes últimos a orde consecutiva de cantos.

Parcela II:

NORTE: Dende o chanto 301 ao 288, seguindo a orde de cantos. LESTE: Dende o chanto 288 ao 291, seguindo a orde de cantos. SUR: Dende o chanto 291 ao 295, seguindo a orde consecutiva de cantos. OESTE: Dende o chanto 295 ao 301, seguindo a orde consecutiva de cantos.

2º. A vista de tal solicitude, o Xurado, na súa reunión do 22.07.2003, acordou inicia-lo oportuno expediente, nomeándose como Instructor del a Don Juan Ramón Beneyto Bellas, quen aceptou expresamente o dito cargo. Procedeuse á correspondente tramitación, librándose mandamento para a anotación preventiva no Rexistro da Propiedade de Noia, oídas tódalas persoas, organismos e corporacións interesadas, expedíndose mandamentos a tal fin dirixidos ó alcalde-presidente do concello de Noia, ó xefe do Servizo de Montes e I.F.e publicándose edictos no D.O.G. (núm. 197, do 10.10.2003), taboleiro de anuncios do concello e lugares de costume.

3º. Os veciños de Beiro fundamentan a súa petición ante o Xurado Provincial de Montes Veciñais en Man Común en que desde sempre veñen poseendo e aproveitando en man común o monte de Beiro. Achegan acta notarial con manifestacións neste sentido.

4º. Con data 03.09.04 Don Ricardo Rey Castro, no nome e representación da xunta promotora deste expediente, presentou un escrito ratificando o plano e informe, de data 20.05.04, emitidos polo Servizo de Montes.

5º. En data 20.09.04 Don Manuel Oliveira Bazarra, no nome e representación da comunidade veciñal en man común da parroquia de Obre, monte San Lois, presentou un escrito alegando canto considerou oportuno e solicitando o recoñecemento dunha parte da superficie do monte. O 15.10.04 o servizo de montes emitiu informe sobre as ditas alegacións. Notificada esta comunidade veciñal para a realización do trámite de audiencia, non compareceu ningún representante o día sinalado.

5º. Na tramitación destas actuacións cumpríronse as formalidades legais e regulamentarias, caixidas principalmente pola Lei 13/89, do 10 de outubro, de montes veciñais en man común (D.O.G. núm 202, de 20 outubro) e o seu Regulamento de aplicación aprobado polo Decreto 260/92, do 4 de setembro, (D.O.G. núm 186, de 23 de setembro) ambos da Comunidade Autónoma de Galicia, Lei de procedemento administrativo e demais disposicións aplicables ó caso.



FUNDAMENTOS DE DEREITO:

1º. O Xurado Provincial de Montes Veciñais en Man Común da Coruña ten xurisdicción e competencia para coñecer deste expediente en virtude do disposto nos artigos 9 e 10 da Lei 13/89, do 10 de outubro, de montes veciñais en man común.

2º. De conformidade co contido do artigo 11 da citada Lei e 19 do Regulamento, aprobado polo Decreto 260/92, do 4 de setembro, os veciños do lugar de Beiro son parte lexítima para solicita-la iniciación do presente expediente de calificación.

3º. Para a súa calificación como veciñal en man común, o monte debe reunir as seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sen asignación de cotas polos membros de cada agrupación na súa condición de veciños comuneiros; 3) Que os veciños comuneiros residan habitualmente con casa aberta dentro da área xeográfica sobre a que se asenta o grupo social que tradicionalmente aproveitou o monte (artigos 1, 2 e 3 da Lei 13/89 e 1, 2 e 3 do Regulamento do 4 de setembro de 1992).

4º. Das actuacións obrantes no expediente, e en especial da comprobación do expresado no punto anterior, dedúcese que no presente caso nos encontramos cun monte pertencente á comunidade veciñal do lugar de Beiro, no que se cumpren os aludidos requisitos.

Polo anterior, este Xurado, á vista dos antecedentes e fundamentos de dereito expostos, por proposta do Instructor,

ACORDA cualificar como veciñal en man común o monte *Beiro*, de pertenza do lugar de Beiro, parroquia de Argalo, concello de Noia, cos lindeiros, superficie e características que resultan do primeiro antecedente de feito. Así mesmo, acórdase excluír o declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndoo no Rexistro de Montes Veciñais en Man Común que figura na Delegación desta Consellería de Medio Ambiente na Coruña.

Notifíquese aos interesados".

A Coruña, 14 de marzo de 2005

Vº e Pr.
O PRESIDENTE DO XURADO

Asdo.- Ramón Martín López-Suevos



A SECRETARÍA DO XURADO,

Asdo.- Mª Jesús Budiño Rodríguez

